

PRUPOSTA DE LÈUR PER NSENIANC Y NSENIANTES

- **TAPA 2:** L ie de plu normes che reverda la partezipazion de mutans, mutons, jèunes y jèuni te scola. L statut dla sculées y di sculeies (<https://www.provinz.bz.it/bildung-sprache/deutschsprachige-schule/bildungsverwaltung/schueler-schuelerinnencharta.asp>) vèija per ejèmpl dant l dèrt dla sculées y di sculeies de pudèi purté dant prupostes per l program scolastich y l urdenamènt dla scola, purté dant minonghes persuneles o n reprejentanza d'otra sculées o d'autri sculeies, se ancunté cun d'otra sculées y d'autri sculeies per rujené de cuestiones che à da nfé cun la scola, ma nce l duvèi de tò pert ala vita scolastica te na maniera democratica y se mpeniè che la lidèza de minonghes y pensieres vènie respetada y che l vènie refudada uni forma de violènza y pregiudize. Ciun dèrc y duvieres aldò dl statut dla sculées y di sculeies cunèsc pa la sculées y i sculeies bele y cie ie pa nuef? Cie vèija pa dant l urdenamènt de scola y ciuna ie pa la regules de tlas? Sculées y sculeies possa nce mèter su regules nuevas, che ti sa mpurtantes.
- **TAPA 3:** N pudèssa ti damandé ala sculées y ai sculeies sce i sa pra ciuna religion che ie si cumpanies de scola. L ie nce nteressant rujené dla tradizions y di singuli dis de festa dla religions desvalives paradlan tradizions y festes. Ciuna festes ai pa plu gën y ciuldì pa? N chèsta ucajion possa la sculées y i sculeies nce purté velch de bon lià ala festa che ti plej deplù, o se tré sèura n quant tradiziunel.
- **TAPA 4:** N possa damandé la sculées y i sculeies cun chi che i rejonà, canche i se sènt nia bën. Cun na cumpania o n cumpani? Cun i genitores o n parènt? Na nsenianta o n nseniant, na psicologa o n psicologh de scola?

Cuntac che possa vester de utl:

<https://www.young-direct.it>

<https://www.kinder-jugendanwaltschaft-bz.org/>

- **TAPA 6:** Le pa dlongia la scola posc ulache na muta o n mut sun n stuel da rodes pudèssa avèi deficulteies? La mutans y i mutons fej na raida cun la maestres y i maestri per nuté su

posc' ulache persones cun deficultheies fisiches se stënta. I resultatc pudëssa la mutans y i mutons pona ti mandé al ambolt fajan prupostes coche n pudëssa miuré la stredes acioche duta la mutans y duc i mutons posse jì a scola cun plu sauridanza.

L Zënter di vierces St. Raphael (<https://www.blindenzentrum.bz.it>) organisea ancuntedes danter vierces y scoles che pieta danter l'auter: na simulazion de ancunteda y de prim cuntat cun na persona viercia sun streda, prejënta i ponc plu mpurtanc tla comunicazion cun vierces y persones che vëij puech, na panoramica sun la perzezion de vierces, sun la scrittura di vierces y n percurs tl scur.

- **TAPA 8:** La mutans y i mutons fej na nrescida te ciun paejes dl mond che l ie azes per duta la populazion al'istruzion y te ciuni che me puecia mutans y puec mutons à la puscibltà de jì a scola. Ulà ie pa na gran percentuela de analfabetism? Dedò possa sculées y sculeies purté i resultatc sun na cherta dl mond ti dajan n culëur a uni stat aldò di dac abinei adum. Sculées y sculeies pudëssa nce fé diagrams per mustré su i resultatc.
- **TAPA 10:** La mutans y i mutons fej n dessëni, na poejia, n video, na ciantia, na scultura o zeche d'auter per ti dé esprescion al'atività che ti sa bel fé tl tëmp liede. La sculées y i sculeies prejënta si opera d'ert ala tlas y dedò vëniel rujenà ciuna atività che i pudëssa fé deberieda tl tëmp liede: ntan na jita de tlas pudëssen jì do al'atività crissa ora. L garant per la nfanzia y la junëza ëssa plajëi sce l'operes dla sculées y di sculeies unissa mandedes te si ufize tres e-mail o tres posta (Str. Cavour 23c, 39100 Bulsan o info@kinder-jugendanwaltschaft-bz.org). La operes mandedes da mutans y mutons vën publichedes sun la plata internet y sun i social media dl garant per la nfanzia y la junëza (Facebook: https://www.facebook.com/kijagai_a/ y Instagram: [kinder_jugendanwaltschaft_bz](https://www.instagram.com/kinder_jugendanwaltschaft_bz)).

